

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Trewlosz dück.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Entschüttung.

Werde ihm ein Statt von der menge seines Feinds also bedrängt/das
 weder entschüttung bedörfft/soll er guten fleiß brauchen/das er sein
 zukunfft dem einigen Stathauptman also still verkünd/das es allein
 bey ihnen beyden beschloffen sey/Darnach vffbestimpte zeyt mit allen vor-
 theyln vnnnd listen versteckt halte/durch heimliche weg vnuerdächlich vnnnd
 samenthafft den Feind vberfalle/vnnnd die seinen entschürt/damitt ihnen
 durch verräterey nicht missling/oder er soll des Feinds Stett inn eyl belä-
 gern/vnnnd die Landschafften blündern/damitt er seinen Feindt tringe von
 der Statt/zu errettung seines eygenthumbs abzuziehen/odder des Feindes
 Stett erobern/damitt er die seinen hie zwischen behutsamer beuestigen vnd
 speisen möge.

Widerkeerung ver-
 lorner Stett.

Bim aber den Summer etliche Stett vnd Schlöffer mit grosser macht
 seines feinds hinlässigk eyt/oder wenigk eyt seiner Besatzung/oder auß
 verräterey der Hauptleut odder Bürgerlicher Vnderessen/verun-
 trewt oder entwendt würden/soll er es/als bald der feind ins Winterleger
 ruckt/mit geschwindem fleiß wider erobern.

Trewloß dück.

Wann aber ein Statt von frem Herren sich vermäß heimlich abzurwei-
 chen/soll jr Hauptman mitt erdichten Brieffen vnnnd verheissung ge-
 waltiger zukunfft/hülff/odder milderung der ding/die sie zum abfal
 verursacht hetten/jhr fürnemen also lang wenden/biß der sachen gerhaten
 wird.Oder wer ein Bürger oder Bürgers freund inn des feynnds Läger/dem
 sol er in die Statt/in ihens person schreiben/das er zu seinen Burgers genos-
 sen sag/das sie jrem Herren farb vnnnd glauben halten/dann wie freuntlich
 der feynd mit jnen practicier vnnnd ihnen viel zusag/so hab er doch auff diesen
 tag ein Eyd geschworen/vnd den feindlichen hauffen darauff trözlich ver-
 heyt/so bald er hinein kom/wöll er ein Sackman vnnnd alles gut preis ma-
 chen/ja das kind in Mutterleib/auch die Statt inn boden hinein verderben
 vnnnd verhergen/Darnach den Brieff an einen pfeyl geknüpfft/nachts auff
 den platz legen/als sey er hinein geschossen/vnnnd den Bürgern vorlesen/als
 wer er vngefär gefunden.

Von